捣藻堂四庫全書

音薈

要

史部

欽定四庫全書管要求史表三百四十二

詳校官編修正王天禄

欽定四庫全書管要卷五千九百六十九史部 存字正仲潤州丹陽人 老先生見之自以為不及慶歷六年登進士第 已日車 宋史卷三百四十 西五年始 王存 傅第一百 元中書右 de duto 歸時學者方尚雕篆獨為古文數十篇 猻 固 丞 相 宋史 總 幼善讀書年十二 趙 裁 瞻 托克托等修 傅充俞 一辭親從 調 師

ŕ 難言者元豐元年神宗察其忠實無黨以 檢 直 自重為 豪賂他官變其獄存反為罷去久之除密 召見 一講選 事不 討 和太常禮 上虞令豪姓 殿累上書陳時政因及大 合 秘書省著作 歐陽修吕公著趙 即謝不往存 院存故與王安石厚安石執 卷三百四十一 人人其敢問 佐 即歴 在 聚 館 所 館 閣 知治 歷 年 校 存至按 臣 人勘集賢校 平中入 所 為 國 推 國 官

宗禮其言聽直前奏事自存始也明年以右正言 俟 **青存乞復唐貞觀左右史執筆隨宰相** 同修國史兼判太常寺論園丘合祭天地 修官修起居注時起居注雖日侍而奏事必禀中書 祠 北郊 ·羣臣縁論事得罪或註誤被斥而情實納忠非 令出上恩而 材 召擢 如周禮官制行神宗切 バス 備官使語合神宗意次拔者甚衆 比歲議法治獄者多乞不以故 於 用人 存請自 殿 故事神 非古 熙 降 知 当 原 制

t

٤

Э

Ē

~

5

宋史

得專達母隷駕部存言如此官制壞矣光帝正省臺 官司禁謁本防請託而用死問疾 入言之即日弛其役 Æ 不悦五年遷龍圖閣直學士知開 宰相乘間復徙之兵部太僕寺請內 以自廣或請令培築復故又按 謀出自中人 神宗前哲宗立永裕 都人雕呼相 跃 有 慶進 切 韶矣存曰此 杜絕皆非 以財費 師 廬 並 便

難而為之既已就 罷存言去一 左永 初還户部固辭不受二年拜中大夫尚書右丞三 職使相臨制不可徇有司自便而隳已成之法 į 有建議罷教畿内 保 ۷ 甲不教非 純不當罷侍御史王覿 正人天下失望忠讓沮氣讒 比請貸都 國家根 緒 無 保 故而廢之不可門 省屢以無可於恕却之 本 甲者存言今京 火長之 不當罷諫官四 計且先帝不 加兵籍 下侍 郎

言 E 詩 灾 之意 Jt. 怨 廢 祖 庳 進士專 殿 宗 訓 水性 河決 刍 大善 存與范 學士 制 7 也有司 趨 而 7 知祭 用 下 りし 經 純 徒 能 幾 費 、欲生之 相 損 州 科 十年水官議還故道存爭之 · 欲薄其罪 始 参以詩賦失先帝 卷三百四十一 例 怨 尌 存之 得歲時過家上家 力 歳 餘 恐 而 無成 加資 徙 朝 兵 確 廷 功 部 破 再 政 卒輟 殿 貶 [91] 確 學士 殺之可乎 黗 À 新 色 其 出 詞 州 存亦 賜 至 役茶 律崇 是 曰 經 1

E 黨誠不可長然或不察則 里又具酒食召會父老親 名 弼范仲淹歐 部尚書時在廷朋黨之論沒 致仕舊制當得東官保傳)此說者 改 其恩典阮而 知 杭 州 陽 願 陛 紹 宋史 聖 下察之由是復 一初請老提 與酬 濫及善人 議大夫存當悼近世 . 宗聖明不為所惑 議者指存嘗議還 職存為哲宗言人 酢 **V**舉崇禧 鄉黨傳為美談 以與任事者 慶歷中或指 觀遷右 四

司户參軍從平貝州 者贵為公卿而祭祀其先但備庶人之制及歸老築 管家廟建中靖國元年卒年七十九贈 可奪司馬光嘗曰並馳萬馬中能駐足者其王存 固字和父鄭州管城 存性寬厚平居怕 庫 祖來石介一 故但誅首惡餘無所及轉霍邑令遷秘書丞 為文彦博言脅從問治之義與 見以 恂 卷三百四十一 公輔 幼 不為詭激之行至其所守 有立志九歲讀論 期 之 擢 進士第 た 銀青光 語 調磁 曰 카

溢 兵之畧參校同異則是非炳然矣兵凶器也動不可 欲 天章 器重之引為 以固侍講及為皇太子又為侍讀至即位 刑詳議官宰相韓琦知其賢諭使來見固不肯往 名舉兵非計之得願) 經界西夏欲先事以成 閣待制 有悔大臣惡其說出知澶州還 ٠. 知通進 編 修中書諸房文字治平中神宗為 宋史 銀臺司种 以漢韓安國魏 即上言待遠人宜示之 誇取終 知審刑 州固 相 擢 唐 魏 知神 部 信 郭

亟 安石文行甚高處侍從獻納之職 圖 固曰 合青苗法出又極 凡四問 **駁兼待讀判少府監神宗問王安石可** 福 熟計之 狹少容必欲求賢相呂公著司馬光韓維 省以 天 誠 報罷固言陛下以名 既 北 陳 對及安石當國更法度固數議 而竟從安石 其不便 便 固出語執 固 韓 政 琦 復 可矣宰 求 曰 領 疏 及上 至 士而士以 銀臺司孔文 神 相 有意 自 否 有

A

應今反過之何哉今謂文仲之言以惑天下臣恐天 不惑文仲之言以文仲之點為惑也胡宗愈坐言事逐 萬世太祖功也不當替其祀請以為始祖而為僖 始封光武中與不敢祖春陵而祖高帝宋有天下 立廟稀拾之日奉其桃主東向以伸其尊合所謂 袓 孫尊孫以祖屈之意韓琦見而數曰孫公此議足以 須陳薦以論李定罷固皆引誼爭之時議尊僖 固議曰漢高以得 夫 下與商周異故太上皇不得

定四庫全書

とこ ヨコトコ

樞 有 使其首長自守焉神宗笑曰此真酈生之說 客院事時征安南建順州其地瘴寫不堪守固請 徒者二萬戶謀者告夏人幽其主神宗欲西討 里熙寧末以極密直學士知開封府元豐初 且久吏爭弗能還固微得其要領折 可失也固曰必不得已請聲其罪簿伐之分裂 加龍圖閣直學士知真定府遼人盗耕 福難神宗曰夏有釁不取則 愧之正疆 為意 解于 同

為 官 政 此 之固曰公著言是也初議五路入討會于靈州李憲 他 者 有言便當直度河不可留行固曰然則熟為陛下 日固 神宗曰大帥誠難其人吕公著曰既無其人曷若 之今陛下 神宗曰朕 後至者斬今諸路皆進而憲獨不行雖得蘭 又曰今 不赴靈州乃自開蘭會欲以拜責固 任李憲則士大夫 已屬李憲固曰伐國大事也豈可使 五 路進 師 而 無大帥 就肯為用乎神宗不 就使成功 兵 E 宦

モョ車

在書

宋史

宫 召 固 宗 八皇太后つ 導或體中未安取文書於家治之可也固感 其年高每朝會豫節 P 迁 位 曰 正 郷 議 文 及 八殿學士 矣改 大夫 一宫遂 大中大夫 知 師 河 果無 拜 知 門 南 河 府 陽尋提舉嵩山崇 功 神 徙 鄭州元祐 宗曰朕 臣今帝 郎哲 幄 副使 次 宗 進 固 女口

同 鄭 師 宴餞崇 信 三司 視事復 五哲宗太皇太后皆出聲泣時文彦博致仕 節之士不足學也又曰以 上矣司 更 謚 歴夷 政 曰 温靖 馬 殿 (知樞密院事累官右光禄大夫五年卒 險 光退處固每勸 以固 (而不為 固宅心 在 噴罷之報 誠 ,數十日公行 於粹不喜 神 疾害當曰 宗召 愛親之心愛其 視 矯亢 朝二 歸及 且相宜 人當 與人居 E 贈 視 γソ 開 陳 聖 君 久 府 則

欴

È

Ð

車

全書

宋史

當 趙 澤元符二年奪所贈官列元祐黨籍政和中徽宗以固 淳德蓋所謂不言而 整屋 瞻舉進士第調孟州司户參軍移萬泉令捐 瞻字大觀其先亳州永城人父剛太子賓客徒鳳 修學宫士自遠而至改知夏縣作八監堂書古賢令 為神宗官僚特出籍悉還所 急審處之傅充介銘其墓曰司馬公之清節孫公之 信者也世以為 奪 確 論 紹聖時奪 翔

治述以自監又以秘書丞知永昌縣築六堰灌田蔵

官員 瞻 條 取其書考焉選尚書屯田員 外郎 著其詳為因山别 (數十萬水訟成息民以比召 者當主以天 以威茂雜羣 除侍 《令言動 御史上 療險而難守不若合之 久之 一 疏 曰 英 録 敝 過 公 後熙寧中 可止則 揆 坚 下其思焉刑賞施 鲐 天下之正論 即英宗 杜升太常博 獨 朝 化人主至權 輔 而 治 經 平 理 西 郡 自

2

Э

a...5

宋史

京使專委宿將夏人入侵王官慶帥孫長卿不能禦 宜責其効臺諫知其才宜信其說兵柄宜削諸宦官邊 為至戒宜追還內侍責成守臣章三上言甚激切 宜付宿將蓋權不可矯而為也以從天下之望耳 稱善久之詔遣內侍王昭明等四人為陝西諸 撫諸部瞻以唐用官者為觀軍容宣慰等使後 孫污經畧西夏别遣馮京安撫諸路瞻又請罷

卿集賢院學士瞻言長卿當點不宜賞賞罰倒置京

東盗賊數起瞻請易置曹濮守臣之不才者未報乃求 禮律所生所養之名妄相等難彼明知禮無兩父貳 屬薛温其曰事將類此吾必以死爭固吾所也中書請 力言追還昭明等英宗改容納其言二年秋京師 從之時議追崇漢安懿王瞻 部百官言事多留中瞻請悉出章疏付两省詳擇 王稱親瞻爭曰仁宗既下明 引漢師丹董宏事謂 詔子陛下議者顧惑

文

足四草全書

宋史,

義敢裂一字之

一詞以亂厥真且文有去婦出母者去

與之廷辨以定邪正已而皇太后手書尊王為皇瞻歎 已非婦出不為母辭窮直書豈足援以斷大議哉臣請 陳會假太常少卿接契丹賀正使入對英宗問前事 過至尊而自為之地吾與首議之臣不並生矣因復 向者太后切責大臣議乃得罷今邪臣與中官交 禮英宗曰御史當見朕欲皇考濮王平瞻曰此乃 曰陛下為仁宗子而濮王又稱皇考則是二父二 ,議陛下未當自言英宗曰是中書過耳朕自數

卷三百匹

乞與同貶不報趣入對英宗曰你 妄為褒尊朕意已決無庸宣告瞻曰陛下祇畏天戒 田里红蓝 孰若效伊尹傅說哉瞻皇懼言臣不敢奉詔使 同罪異罰之譏遂通判 知商州又除提點陝西刑 松 妨公甚盛德也及使還聞日海等諫濮議皆罷 宋史... 汾州 獄熙寧三年為開封府 神宗即 欲 就龍逢比干 位選司封員 朝

先帝養為子豈敢稱漢考瞻曰臣請退諭中書作**詔**

天下時連日晦冥英宗指天示瞻曰天道如

世 制置 宗 不得留京師 郷里 老請 安石 中培 |瞻曰有本錢足恃法 不合 欲 民財誠 知青苗 提舉鳳翔太平宫丁外 知同 瞻 出為陝 州 助已使其黨餌以 七年朝 便今欲為長外 西轉 便 卷三百 西轉運 運 乎 匹十 對曰青苗法唐行之於 廷患錢重議以交子權 乃 副使改永與軍 可 八計愛養 親 和 行 如多出 雜 服 御史 百 空券

其才第為三等籍之以備選注初元豐中河決小吳北 選武臣難遽盡知請詔諸路安撫轉運使舉使臣科 故道下執政議瞻曰自河決己八年未有定論令遽與 注界河東入于海神宗詔東流故道淤高理不可回其 勿復塞乃開大吳以護北都至是都水王令圖請還 中大夫同知院事因進對言機政所急人才而已今臣 侍郎元祐三年擢樞家直學士簽書樞密院事明年 知滄州哲宗立轉朝議大夫召為太常少你還戶部

N日車全書

不恃險告充舜都蒲冀周漢都成鎬皆歷年數 昔澶淵之役非河為 役役夫三十萬用木二千萬臣竊憂焉朝廷方遣 障 若以東流未便宜亟從之若以為可回宜為 外國澶淵之役蓋廟社之靈章聖之德 緩民力議者又謂 前授首豈獨河之力哉後使者以東 限則北兵不止瞻曰王者恃 河入界河而 北則失中 百 數 鹵 不

官復請塞北流瞻固爭之卒詔罷役如瞻所

Ż 則 力乞詔諭西夏使歸永樂遺民夏人聽命五年卒年 十二太皇太后語輔臣曰惜哉忠厚君子也車駕親 兵端自此復起矣乃止瞻又奏廢渠陽軍以行刑 彼雖失衆心無犯王畧之罪何辭而伐之若其不克 **亟請與師瞻曰不可御外國以大信為本且既爵命** 以傳會元祐諸臣追奪所贈官列于黨籍瞻著春 視朝二日贈 銀青光禄大夫益曰懿簡紹聖中言

族以青唐首領震弱可制欲倚中國兵威以廢之邊

次足日華全書.

宋史

<u>+</u>

集二十卷西山别録 誠唐城令其蚤卒彦治太康主簿 一十卷史記纸牾 論五卷唐春秋五十卷奏議十 老四子孝諶瀛州録事參軍

及登第指未冠石介每過之充俞未當不在介曰 湏城人 徒孟州濟源十歲能

少年

有

爾介歎息奇之嘗監西京稅院事留守晏

不以游戲為好何也充俞曰性不喜툷雜

謂曰子有清

識雅度文約而理盡卿相才也知新

縣累遷太常博士嘉祐末為監察御史兖國公主下 則事之上聞者皆實乃所以廣 瑋為家監梁懷吉張承照所 海諸女乎皇城邏卒吳清誣奏富民殺人鞫治 外事矣臣以為不若使付外暴其是 司須清辨內侍主者不遣充俞言陛下惜清恐不 於外未幾復還主家出瑋知衛州堯俞言主恃 陛下為逐瑋而還隷臣甚悖禮為四方笑後 間與夫不相中仁宗 視聽也從而 非 而行賞罰焉

定四軍全書

宋史

古

嗣未立充前請建宗室之賢以慰天下望及英宗 度支歲用不足誠不可忽然欲救其弊在陛下宜 紛更為之無益聚飲者用則天下殆矣仁宗春秋 身先天下無奪農時勿害商旅如是可矣不 行民無所指手足尚欲求治得平內侍李允恭未 珠私示內人堯俞以為嬖寵思倖過失當防 劾之時之國用言利者爭獻富國計充俞奏曰 任其子趙繼寵越次管當天章閣察世寧掌內 自

有 皇子有司闕 曰外間 |建皇嗣宜以家人禮使皇子朝 之誠今禮? 大於以天下與人亦無大於受天下以公况 供具甚厚英宗即位轉殿中侍 與英宗同聽政英宗有疾既平竟介上書皇 政人之間內侍任守忠有說問語充俞諫皇 論 遇有關非所以隆親 供鳃仁宗未知堯俞言陛下既以宗社 紛惑兩宫之情 未通 親重國本也於是 夕侍饒左右 臣謂 御史遷起居舍 天 以通 詔

)

2

1.5

立

恩惠上慰母后下安反側且守忠已去其餘不問可也 中人之性繫上所化英宗納其言時英宗初躬庶政 自東無升英宗傾身東向以待每奏事退多目送之當 則慈孝之聲並隆矣於是皇太后還政逐守忠堯俞言 明唇之資貫通古今而受人之天下乎如誅竄讒 英宗曰皇太后給事左右之人宜頗録其勤勞少加 日多士盈廷孰忠孰邪尭俞曰大忠大伎固不可移 右司諫同知諫院英宗眷遇充前當雪中賜對充介 **反匹屆全書**

有 不見其罪臣身為諫官使臣受旨言事臣不 公議出之對曰若付之公議臣但見襄辨出陵事有 ここり 際是是非 陛下矣當因論事英宗曰卿 可也審其非矣從 任大臣堯俞言大臣之言是陛下偶以為 何不自正典刑安用臣言英宗曰欲使臺諫言 ž 頗逃失 ٠ 1.1x 非 毋相 部以内侍李若愚等為陝西 面從總覽衆議無所適莫則威 而 宋史 徇 之則人主之 何 不言於襄對曰若 **杨安在** 敢陝 共 願 四 路 西 君 言 臣

然

皇考堯俞曰此於人情禮文皆大謬戾與侍 以父名之乎又因水災言簡宗 親充俞又言親非父母 灾 若愚等陛下不信其言則如不用言必見從 運使招納歲一入奏事充俞言此安撫經畧使 匹庫全書 移於四人矣尋罷之大臣建言濮 餘疏其言極 以陛下為子當是時設 切主議者知恟 卷三百四 何 亦 不可也夫思義存亡 濮 恟 王尚 不可遏遂易考 安懿王宜 不潤下今以 無恙陛 御史吕 則

是果不可留也遂出知和州通判楊洙乘問問曰公以 追言前日之闕政與誹謗何異神宗即位徒知廬州 直言斥居此何為未當言及御史時事竟俞曰前日言 **充俞言海等已逐臣義不當止因再拜解英宗愕然曰 尭俞侍御史知雜事充俞拜疏必求罷去英宗面留之** 使势丹比還吕海吕大防范純仁皆以諫濮議罷復 職也豈得已哉今日為郡守當宣朝廷美意而反咕呫 Wall - will be die W 王為皇考於仁宗之廟簡就甚焉俄命充俞與趙瞻 宋史

告安石愠之但授直昭文館權鹽鐵副使俄出為 世 百代 文休咎者充俞以事未白不受辭談者後伏誅充 · 吃眉百言 年至京師王安石素與之善方行新法謂之曰舉 知不為時所容請提舉崇福宫先是 不遷之主徒許州 改知江寧府陛辭言仁廟 俟君來外矣將以待制諫院處君充俞曰新 不便誠如是當極論之平生未當好欺敢 河陽徐州再歲六移官困 室與藝祖太宗並 徐人告有 河

部 居其官安得曠其職雖寒暑必日至庚中治事凡十 拾遺以輔盛徳明善攻失以平無 俞從衆出迎盡禮守為遣他吏代主出納充俞不可 宗立自 不即捕削官職稍起監黎陽縣倉草場郡旅行 不才敢不盡力若使窺人陰 御史中还奏言人才有能 知 明 州 召為秘書少監兼侍講握給事中吏 有不能如使臣 舉直 私 抉人 錯 細 故 補 縣 則

THE THAT ALL ALLAND

亦非臣之志也

雅史

張舜民以言事罷詔充俞

ナ

養至誠而御遐福也水官李偉議大河可從孫材 **織微之件以** 執侍從以下罷者七八人 部侍郎尭俞不可逐以龍圖閣待制知陳州未幾 /黨其尤者固宜逐其餘可以 部侍即御史中还前宰相恭確坐詩誹謗貶新 御史光俞封還詔書請留舜民不聽即以光俞 而乃於此不能平願聽之如蚊至之過 太和之氣事至以無心應之 卷三百匹十一 御史府為之一 切置之且言以 空堯俞曰 耳無 陛

其子尭俞厚重言寡遇人不設城府人自不恐欺 逐故道充俞言河事雖不可喻度然比遣使按之皆 年卒年六十八神宗與太皇太后哭臨之太皇太 置偉議進吏部尚書兼侍讀元祐 非便而偉又緣悠不肯任責豈可以遽與大役 相處至是乎贈銀青光禄大夫益曰獻簡 祐黨人奪贈諡著名黨籍後黨錮 臣曰傅侍郎清直一 J. J. .. " [197] 節終始不變金玉君子也 四年拜中書侍 解下詔褒贈 紹聖 朝

君 郡 子素其位而行諫官有言責也都知守法而已 前暑無回隱退與人言不復有於異色初自諫官 償入之放實非充俞 眾疑法令有未安者必有所不從充拿一 侵用公錢尭俞至為償之未足而去後守移文尭 定匹库全書 曰清直勇之徳人 所難 卷三百四十 핡 用 卒 吾 不 辯 你欽之見焉 司 馬 光當謂 切遵之 雍曰 徐 河 南 俞 前 欽

之義傅

而不耀直而不激勇而

能温是為難爾從


不可能の方の行う

矣哉 能不通不徐進退有道在元祐諸臣中身名俱全亦 他 詩謗之罪恐為已甚將啓朋黨之禍豈非先知之明 有更張隨事諫止不少循點然無矯枉過中之失故 曰存固瞻充俞初皆善王安石及其東政未當受 **餌與論新法終不說隨及元祐區別正邪其論蔡** Ţ 宋史 乎 所 難 確

文

足日華全書

辛



賢校理通判明州檢詳樞密五房文字元豐時久早上 欽定四庫全書養要卷五千九百七十史部 以情任為太廟齋郎舉進士中第編校秘閣書籍遷集 梁壽字況之鄆州須城人父養兵部員外郎直史館素 宋史卷三百四十二 列傳第一百一 元中書右丞相總裁托克托等修 ייבור קי קייני | 纛 王巖叟 宋史 鄭 雍 孫

蠲損緣錢等一日之間截聲四起距誕節三日而膏澤 數如焦而京師尤甚関屬細民因不失職智愚相視日─ 書論時政日陛下日者関雨靖惟政事之關陽然自責 降是天以雨壽陛下之萬年感聖心於大寤有以遂其 有大變之憂陛下既惠以詔旨又施之行事講除刻文 有及民之意也當四方仰雨十月之久民刻於新法數 丁卯發紹癸酉而雨是上天顧聽陛下之德言而喜其 仁政也然法令乖戾為毒於民者所變變能萬一人心

卷三百四十二

之不解故天意亦未釋而雨不再施陛下亦以此為戒 豈特此耶曰青苗錢也助役錢也方田也保甲也於田 吏主吏妄報以無是則從而信之恬不復問而反坐言 得少体於聖澤其為害之實雖一有言之者必以下主 而復有方田方田未息而迫以保甲是徒擾百姓使不 而責以免役免役之錢未服入而重以然田於田方下 也無是數者而天下之民被其害青苗之錢未一及價 而夙夜應之乎今陛下之所知者市易事耳法之為害

一節定四車全書

宋史

耳神宗曰王中正功賞文書何為獨不可曰中正罔冒 疏入不報內侍王中正將兵出强干賞不以法壽爭之 請通行其法上下相隱習以成風臣謂天下之患不患 者雖問遣使循行而皆且寵禄巧為妄誕成就其事至一 何也對曰臣居官五年非敢不安職恐不勝任使故去 得請外出知宣州入蘇神宗曰極臣云卿不肯安職 故政日以散而禍亂卒至也陛下可不深思其故乎 亂之不可去患奶黨蔽蒙之俗成使上不得聞所當 卷三百 其不當遣降通判號州素言御史持紀綱之官得以犯 保人備償文彦博議遣劉奉世使夏國御史張舜民論 市易已廢乞蠲中下戶通爲又乞欠青苗下戶不得令 獻明肅皇后不當以王服見太廟事宣仁后欣納又論 立召為工部即中遷太常少卿右諫議大夫有請宣仁 **億凱臣不敢屈法以負陛下未幾提點京西刑獄哲宗** 御文德殿服衰冕受冊者壽率同列諫引薛奎諫章

定日車全書 1

宋史

悉召至都堂勒諭以事當權其輕重故不惜一新進 史以慰老臣素又言若論年齡爵禄則老臣為重若論 同 下敢言之公議便一夫不快之私心非公朝盛事也時 臣者天下之公議大臣不快御史者一夫之私心罪天 度綱 論者傅堯俞王嚴叟朱光庭王觀孫升韓川凡七人 紀則老臣為輕御史者天下之法官也不可以 卷三百 御

又面責給事中張問不能駁還舜民制命以為失職坐

· 鞅鞅而斥去願還舜民以正國體童十上不聽素

臣

諫議大夫召甫就道民攀轅不得行踰太行抵河內乃 冒美職守劇郡如此則朝廷命令不能明辨曲直以好 流人聞之来者不絕盡處之有條人不告病明年以左 t 惡示天下矣不報至潞值歲幾不待命發常平粟振民 舜民不當罷如以為非即應用此受斥今乃得以微罪 政廉惟姦人易為欺蔽顧正綱紀明法度采用忠言 3 9 既到上書言帝富於春秋未專宸斷太皇保佑聖主 וישו לו איום 宋史

話同列出為集賢殿修撰知潞州辭不拜曰臣本論張

講求仁術两官嘉納馬前宰相蔡確作詩怨誇燾與劉 敢為奸言者多於敢正論之人以此見確之氣酸由赫 安世交攻之盡又言方今忠於確者多於忠朝廷之士 根林牽連賊化害政為患滋大確卒竄新州燾進御史 取不聽改權戶部尚書不拜以龍圖問直學士知鄭州 丞鄧潤甫除吏部尚書燾論潤甫柔伎不立巧為進

丞轉左丞蔡京帥蜀壽曰元豐侍從可用者多惟京輕

旬日入權禮部尚書為翰林學士元祐七年拜尚書右

體泉觀使故事非宰相不除使遂置同使以寵之力辭 篇言不見聽而詢問人才非臣所敢當也使者再至乃 之善惡圖任舊人中堅正紀厚有人望者不牽左右好 言人才可大任者陛下自知之但須識别邪正公天下 惡之言以移聖意天下幸甚以疾罷為資政殿學士同 哲宗遣近臣問所以去意且令密訪人才盡曰信任不 險貪愎不可用又與同列議夏國地界不能合遂丐去

data |

年之間所薦用之不盡負愧多矣其好賢樂善如此 而發但不向人開耳震笑曰盡出入侍從致位執政八 作薦士録具載姓名客或見其書曰公所植桃李乘時 馬光黨點知鄂州三年再貶少府監分司南京明年三 其開陳排擊盡出公議朕皆記之以故最後責竟以司 聖元年知鄆州例黨論起哲宗曰梁盡每起中正之論 州徽宗立始得歸盡自立朝一以引援人物為意在那 灾匹 月 在 1 州別駕化州安置三年卒年六十四徒其子於昭 卷三百四十二

武廷對皆第一調樂城薄涇州推官南两月聞弟喪棄 官歸養熙寧中韓琦留守北京以為賢辟管勾國子監 宗患詞賦致經術不明初置明經科嚴娶十八鄉舉省 也士君子稱之後知定州安喜縣有法吏罷居鄉里導 代琦復欲留用嚴學謝曰嚴學魏公之客不願出他門 又辟管勾安撫司機宜文字監晉州折博煉鹽務韓終 王巖叟字彦霖大名清平人幼時語未正已知文字仁

人為訟嚴娶捕撻於市眾皆竦然定守日公著數曰此

A data |

宋史

六

哲宗即 者不復食録大名刻石仁宗詔書以進又以河北天下 或 更入臺之明日即上書論社稷安危之計在從諫用賢 古良吏也有部近臣舉御史舉者意屬嚴叟而未及識 復差法如嘉祐時又言 河北權鹽法尚行民受其弊貧 不可以小利失民心遂言役錢飲法太重民力不勝 謂可一往見嚴要沒口是所謂呈身御史也卒不見 位用劉華薦為監察御史時六察尚未言事 願

四月白雪

卷三百四十二

本自祖宗以来推此為惠願復其舊江西鹽害民詔

生母仇氏服嚴學論其不孝定遂分司宰相蔡確為裕 謂陛下以空言說之後有詔命孰肯取信李定不持所 遣使者往視嚴學言一方病矣必待使還而後改為恐 詔求民疾苦四方爭以其情赴憩所司憚於省録頗成 絕害本百姓無由樂生不屏聲那太平然是難致時下 壅滯嚴娶言不問則己言則必行之不然天下之人必 不及被德澤而死者願亟罷之又極陳時事以為不

陵復土使還朝以定策自居嚴聖言陛下之立以子繼

宋史

豈宜容此大姦猶在廊廟於是二人相繼退斥遷左司 篇前爭役法詞氣不遜無事上之禮今聖政不出房屋 自伐章惇護賊狼戾罔上蔽明不忠之罪益與確等近 父百王不易之道且太皇太后先定於中而確敢貪天 繳録黃上疏諫既而命不由門下省以出嚴娶請對 無權給事中時並命執政其間有不協時望者嚴叟 四月全事

言之益切退就閣上疏曰臣為諫官既當言承乏給事

又當駁非臣好為高論喜忤大臣恐命令斜出尤損紀

望於今日也願 裁 為至少今復虚而不 綱疏凡八上命竟寢又言三省胥吏月饗厚奉歲累優 無事於言邪人材難稱不若虚其位邪二者皆 上疏曰國朝做近古之制諫臣總至六員方之先王已 用之姑息相承流弊已極望飭勵 而朝 僥倖定為十七 條逐侍御史两省正言久闕嚴叟 廷每舉一事 趣補其闕多進正人以肚本朝正人進 除 **朝計功論賞不知** 臣所未諭豈以為治道已清 大臣事為之制即 平日禄賜將馬 非 臣 詔

だと

分民戶降四等始許之嚴叟言中戶以上益亦親 母問分數等級皆得貸庶幾王澤無問以召至和 英講進讀寶訓至節費嚴叟曰凡言節用非偶節一 北所言鹽法行之京東明年復以起居舍人召當侍 張舜民事改起居舎人不拜以直集賢院知齊州 便能有濟當每事以節儉為意則積久累日 人自消矣諸路水災朝廷行振貸戶部限以災傷過 國用 食 自

饒讀仁宗知人事嚴叟曰人主常欲虚心平意無所偏

金欽

定四庫全書

卷三百四十二

於多士之間不以順已而忘其惡不以逆已而遺其善 去者也臣請别而言之夫明是非於朝廷之上判忠邪 當勿二因上盗龍者棄之當勿疑惜紀綱謹法度重典 私求不徇於所爱公議不遷於所僧竭誠盡節者任之 講洪範至又用三德哲宗曰止此三德為更有德益哲 曰三德者人君之大本得之則治失之則亂不可須史 係觀事以理則事之是非人之邪正自然可見司馬康 自臨 御). J. .. W 淵黙不言嚴叟喜聞之因欲風諫退而上疏 宋史

富而不益聰明有餘而處之若不足俊傑並用而求之 日哲宗曰看文字對曰陛下以讀書為樂天下幸甚聖 勇於救天下之弊果於斷天下之疑邪說不能移非道 刑戒姑息此人主之正直也遠聲色之好絕盤遊之樂 不能說此人主剛德也居萬乘之等而不騙享四海之 人主之柔德也三者足以盡天下之要在陛下力行 如耳嚴與日侍講奏曰陛下退朝無事不知何以消 不及虚心以訪道屈已以從諫懼若臨淵怯若履薄 定匹庫全 書 卷三百四十二

賢之學非造次可成須在積累積累之要在專與勤屏 留聖意哲宗然之嚴叟館伴遼賀正旦使耶律寬寬求 絕它好始可謂之專久而不倦始可謂之勤願陛下特 倖功賞之意後遂安輯初夏人遣使入貢及為境上之! 義問遂自草檄文阶義問以朝廷方敦尚思信勿為徼 不敢求進權吏部侍郎天章閣侍制極密都承旨湖北 諸蠻互出擾邊無有寧歲嚴叟請專以疆事委荆南唐 觀元會儀嚴叟曰此非外國所宜知止録笏記與之寬 not de dula 宋史

議故為此去彼来牽致劳苦每違期日嚴臭請預戒邊 臣夏違期一不至則勿復應自後不復敢達質孤勝如 如此入秋可虞不若早定議意在與之也嚴叟曰形势 危延帥欲以二堡與夏蘇賴主其議及熙河延安二捷 以為形勝膏腴之地力爭之二堡若失則蘭州熙河遂 二堡漢趙克國留屯之所自元祐講和在蘭州界內夏 報職奏曰近邊奏稍類西人意在得二堡今盛夏猶

卷三百四十二

之地豈可輕棄不知既與還不更求否太皇太后曰然

築龕谷勝如相照定西而東徑隴諾城朝議未一或欲 掠居人轉侵涇原及河外配府州衆遂至十萬熙帥范 行後患未已因請遣官諭熙帥即以户部負外郎穆行 行視察定遠以據要害其調兵對費一從便宜不必中 以七巉經毀之地皆以與夏嚴更力言不可與彼計得 議遂止夏人數萬侵定西之東通遠之北壞七屋處堡 **偵伺夏右廂種落大抵趣河外三疏請乘此進堡砦**

覆定遠遂城皆嚴叟之力拜中書舎人滕甫帥太原為

宋史

或累日不竟更疲於咨稟嚴叟創立逐官分治之法自 宜重慎令以小臣一言易之使後人畏憚不自 浸長非委任安邊之福乃止復為極密都承古權 走馬承受所撼從類昌嚴史封還詞頭言進退帥臣 湖藪說解不可勝完嚴叟令掩捕撤毀隨輕重決之根 是署為令都城羣偷所聚謂之大房每區容數十百人 府舊以推判官二人分左右聽共治一事多為異同 保此風 理

Ĵ

一空供備庫使曹續以産貿萬緣市會逾年負其半

續盡力不可取一日啟戶則所預皆在馬驚扣其故僧 忍詔竄絢而絕其獄嚴叟當謂天下積欠多名催免不 未遠一旦因厮役之過使其子孫對吏殆聖情有所不 其主就建之曹氏者慈聖后之族也嚴叟言部曲相訟 十科之令元祐六年拜樞密直學士簽書院事入謝太 曰王公今日知府兵初曹氏之禄韓絢與同樣訟事連 不當論其主今不惟長告許之風且傷孝治慈聖仙遊 公私費擾乞隨等第立多寡為催法朝廷乃定五年 宋史

皇太后曰知卿才望不次超用嚴更又再拜謝進曰太 參用之說告陛下者不知果有之否此乃深誤陛下也 進 安静願信之勿疑守之勿失復少進而西奏哲宗曰陛 后聽政以来納諫從善務合人心所以朝廷清明天下 窗 自古君子小人無參用之理聖人但云君子在內小人 下蔽蒙不覺養成禍胎爾又進曰或聞有以君子小人 下今日聖學當深辨邪正正人在朝則朝廷安邪人 便有不安之象非謂一夫能然益其類應之者衆 定 匹庫全書 | 卷三百四十二

陛下不煩公不勞民真盛德事然願自今以土木為戒 在外則泰小人在內君子在外則否小人既進君子必 益於聖治也哲宗方選后太皇太后日今得秋諮女年 泉成皆未嘗赦古人有垂死諫君無赦者此可見赦 曰此與皇帝皆出閣中物營之以成先帝之志嚴與曰 以宫成將肆赦嚴叟曰昔天禧中祥源成治平中醴 不察兩官深然之上清儲祥官成太皇太后謂輔 類而去若君子與小人競進則危亡之基也此際不 宋史

言求避位嚴叟曰元祐之初排斥姦邪緝熙聖治墊 為法者類為中宫懿範上之宰相劉擊右丞蘇轍以人 事其正家須在皇帝聖人言正家而天下定當慎之於 者狄氏將何辭以進議遂寢哲宗選后既定太皇太后 命似便然為是庶出過房事須評議嚴叟進曰按禮經 日帝得賢后有内助功不是小事嚴叟對曰內助雖后 名篇女家答曰臣女夫婦所生及外民官諱不識今 太皇太后以是語哲宗者再嚴更退取歷代后事可 定四庫全書

轍之功居多願深察襲毀之意重惜腹心之人無輕其 言者猶未厭太皇太后曰嚴叟有大功今日之命出不 吾寒心栗齒憂在不測公處之自如至于再三或累十 教擊去位御史遂指為黨罷為端明殿學士知鄭 州 童必行其言而後已為文語省理該深得制語體有 聖初追貶雷州別駕司馬光以其進諫無隐稱之曰 就兩官然之後華竟為御史鄭雍所擊嚴叟連上疏 已耳明年徒河陽數月卒年五十一贈左正議大夫 / Lin 19/ 宋史 十四四

?)

易詩春秋傳行于世 雍字公肅襄邑人進士甲科調究州推官韓琦上其 月白言 卷三百四十二

灾匹

合雅獨静熙自守改嘉王岐王府記室参軍神宗末年 文召武秘閣校理知太常禮院英宗之喪論宗室不當 嫁娶與時相忤通判峽州知池州復還太常禮院歷 府判官熙寧元豐間更制變令士大夫多違已以求 開

在邸七年用久次以轉運使我留宣仁后知其賢及

邸

言二職皆天下精選以潤甫之過薄不當草前命以為 是賞罰之柄不得已而行非所以示信天下之道潤甫 姦邪不當在經幄今中外咸謂朝廷姑以是塞言者如 當制制未出言事者五人交章攻之換為侍讀學士雅 此 國政不能上副屬任非先帝神明遠而弗用則其所敗 仍為承肯周種乞以王安石配享神宗廟雍言安石持 政握為起居即進中書舎人鄧潤甫除翰林承旨雅 邪正何由可辨善惡何由可明若每事必侍人言 Ę 宋史 支

趙彦若儒不自立雅并論之遂罷易左轉彦若以雅為 精資望以漸試之具中大餘方議振恤以民習欺誕 屋之死乎哲宗悟追止之侍御史賈易沽激自喜中丞 災民皆死於飢今富有四海奈何謹幸撮之濫而輕比 部料檢家至戶到雅言此令一布吏專料民而不救 從班以閥閱輕淺者充員不復為来日應須自今稍 丹還徙右諫議大夫言朝廷重內輕外選用收伯罕 可勝言哉今種以小臣報肆横議願正其罪從之使 **灾四庫全書** 卷三百四十二

欽 耳若遠以為罪臣恐鄰於階殺今使有司欲殺而朝 詔 宅百揆職也彼有足不及公鄉之門者猶當物色致之 也不許時二府禁謁加嚴雅數曰旁招俊义列于庶 定四庫全書 得罪確言是固可罪然究其用心在外廣好生之德 **弛其禁刑部職囚宰執論殺之有司以為可生不奉** 防開其私如此乎於是接賈誼廉耻節行之說以諫 何設禁若是且二府皆天子所改容而體貌之者乃 宋史, 位

丞雍解中丞以臣言去而身承其之非所以厚風俗

救之哲宗以先入之言不納雍之攻擊人以為附左相 擊出知耶州光庭方為給事中繳還擊麻詞嚴臭素力 也遂並以此事論摯威福自恣乞罷之以牧王柄又論 御史楊畏雅畏釋其語曰俟休復者俟他日太后復辟 愛以侯休復之語排岸司如東濟録書示雍與殿中侍 嘉納囚遂得生初那恕以書抵宰相劉擎擊答曰有自 王巖要朱光庭梁燾等三十人皆為擊黨以開其援及 生之猶恐仁恩德意不白於天下而况反是者哉哲宗 欽定四車全書 题 怒曰此是何言也使徐王聞之豈能自安熟我知廣德 除抵之謂雅初為侍從時因徐王私於權臣以進哲宗 改左丞雍在政地哲宗稱其事上有禮紹聖初治元祐 日大防也又有請暴擊陰事者雅曰吾為國擊宰相 軍教銀臺母受雍辭去奏童東府吏母聽雍妻子朝出 仇擊也彼之陰事何有於國哉置不以聞拜尚書右丞 且令學士錢總善為畜詔二年始以資政殿學士知陳 臣雍頓首自列哲宗明其亡他心諭使勿去周秩乘 宋史

石作 沖列為子行陰將作監主簿肄業西學郡武常第一 孫永字曼叔世為趙人徒長社年十歲而孤祖給事中 卒年六十八政和中復資政殿學士 宗遂其姦雍雖以此結惇然卒罷政坐元祐黨奪職知 論 徒北京留守初章惇以白帖貶謫元祐臣僚安壽爭 州数日改成都府元符元年提舉崇福宫歸未至而 不已哲宗疑之雅欲為自安計謂惇曰熙寧初王安 相常用白帖行事惇大喜取其案贖懷之以白哲

城令至太常博士御史中丞賈照薦為御史以母老不 戒之曰洛陽英雋所萃汝年少不宜多上人自是不復 武沖卒喪除復列為孫換武御權進士第調襄城尉宜 詢外叛詔捕送其孥勿以赦原永言陛下新御極曠澤 為皇太子進舍人即位權天章閣侍制安撫陝西民景 六經之古願母萬意王曰廣藏書之數耳非所好也及 出新録韓非子畀宫僚離定永曰非險薄刻核其書背 就韓琦讀其詩歎譽之引為諸王府侍讀神宗為詞王

宋史

邊陸方安静無故騷動恐變生不測會新築劉家堡失 流行惡逆者循得虧除今緣坐者弗宥非所以示信也 兵法所謂不得而守者也尤人以自免於我安乎竟用 一司外臺不得與永奏曰鹽馬國之大計使主者專其 歷河北陝西都轉運使時邊用不足以解鹽市馬别為 知秦州王韶以布衣入幕府建取熙河策永折之日 泉請戮偏禪以塞責永曰居敵心爭之地軍孤援絕 既無以統隸的為非法就從而制之加龍圖閣直學

定四庫全書 |

卷三百四十二

膚深害仁政漢文帝所不忍陛下忍之乎神宗曰事固 亦不敢必其無犯也議復內刑事下永永奏曰刻人肌 還神宗問青苗助役之法於民便否對曰法誠善然彊 犯者銜衆況配隸邪使人畏法而不草心雖在府史臣 如义神宗又問此法既下吏尚為姦乎對曰强盜罪死 臣所知也時倉法峻客便吏受百錢則點為卒府史亦 出息輸錢代係不能無重飲之患若用以資經費非

宋史

九

是降天章閣侍制知和州以詳定編較知審官東院召

營旦四十里水好輸之曰疆吏目禁已寅之微矣今何 真尤甚民祖以災免者 州縣懼常平法徵催如故永連 邊上神宗遣使問故永請正用罪以謝未報遼屯兵連 封府日嘉問言吏欲使都人列肆輸錢以免直下府詢 遼人漁界河檀引兵北度湯其族帳遼持此兆累數暴 章論止神宗從之仍命發廪粟以振白溝巡檢趙用以 者敵意解但求醪精搞師而旋進極密直學士知開 決待鄉始定耳不果行復學士知藏州河決于貝藏 四月全書 卷三百四十二

草不給嚴隱匿之科亡賴華肆情為許至婦人冠篩亦 問妄變其名以固聽神宗慮立法未盡詔永及韓維究 既息國用亦濟出知太原且行神宗訪以時務永言近 不免永請聽人以所藏之善者售于官得貨其餘許訟 即異罷為提舉中太一官元豐中判軍點監有司病皮 實永奏言市算下遠錐刀為人患苦御史張琥劾永棄 法貸民錢而為之期有不能價而死者神宗頗知之嘉 究曹樣以為便永占書紙尾不暇省既乃行市易抵當 mat de duto : 宋史

豈有輕用之理卿言是也忻代產鹽苦惡不堪食轉運 者造我罷倍常外間謂將有事於征討兵非輕用之物 提舉崇福官踰年起知陳州徒類昌永裕起陵許汝當 她其禁入判將作進端明殿學士病不能朝神宗遣上 不可禁兵武備也不可關顧以惡鹽累防兵非計也詔 願軫不敢自焚之戒神宗曰此備豫不虞若四方安平 必欲理之以盜販關越之罪罪兵吏永言鹽民食也 調視六命近侍問安否至虚樞密位以侍解去益力 卷三百四十二 平不求說異事或悖于理雖逼以勢亦不為屈未當以 禄大夫轉金帛二十益曰康簡永外和內勁論議常持 無侍讀提舉中太一宫未拜而卒年六十八贈銀青光 太后皆納之元祐元年遷吏部又屬疾改資政殿學士 三事最敝願一切罷去復脩監牧保伍差徭之法太皇 拜工部尚書太皇太后下詔求言永陳保馬保甲免役 運栗數十萬解於陵下調民牛數萬永請而免哲宗召

矯亢形 于色辭與人交終身無怨仇范統仁蘇頌皆稱

J. Lin 1


宋史


矣第以新州之舉於是為過故他日紹聖復以藉口使 過舉知無不言雖或從或違而隱然有虎豹在山之勢 論曰宋之衰也人才尚多梁燾王嚴叟盡忠事上凡有 之為國眾 惇以取容然而然亦不免小人反覆專務自全竟何益 危矣鄭雍易其所守肆擊劉擎被及者三十人欲結章 元祐泉賢皆罹其禍由是再變而為宣政之姦臣國日


金灰四月全言


卷三百四十二

哉孫永之為人庶得其中馬











應録監生臣沈心醇 校對官檢討臣王鍾健 校對官檢討臣王鍾健

空

